



UNIVERSITÄTS-
BIBLIOTHEK
PADERBORN

Universitätsbibliothek Paderborn

Svmma Totivs Theologiæ S. Thomæ Aqvinatis, Doctoris Angelici Ordinis Prædicatorum

Svpplementvm Tertiæ Partis

Thomas <von Aquin, Heiliger>

Romæ, 1619

Vtrum per receptionem coronæ renuntietur temporalibus bonis? 3

urn:nbn:de:hbz:466:1-38817

Ad secundum dicendum, quòd quamvis per coronam non imprimatur character, tamen deputatur homo ad diuinum cultum. Et ideo talis deputatio debet fieri per summum ministrorum, scilicet per Episcopum, qui etiam vestes benedicit, & vasa & alia omnia quæ ad diuinum cultum applicantur.

Ad tertium dicendum, quòd ex hoc quòd aliquis est clericus, est in altiori statu, quam laicus; non tamen habet ampliorem potestatis gradum, qui ad ordinem requiritur.

ARTIC. III.

Utrum per acceptionem coronæ aliquis renuntiet temporalibus bonis?

065

*epist. ad
Nepot. in
ter prin.
med.
to. 1.
*Deut. 10
c. 18.
† lib. 2. de
sacr. p. 3.
c. 1. circa
finem.

AD tertium sic proceditur. Videtur, quòd per acceptionem coronæ aliquis renuntiet temporalibus bonis. Ipsi enim dicunt, cum coronantur Dominus pars hereditatis meæ. Sed sicut dicit Hieron. * Dominus in his temporalibus pars fieri designatur. Ergo abrenuntiant temporalibus.

¶ 2 Præterea, Iustitia ministrorum noui Testamenti, debet abundare super ministros veteris Testamenti, ut patet Marth. 5. Sed ministri veteris Testamenti, scilicet Leuitæ, non acceperunt partem hereditatis cum fratribus suis. Ergo nec ministri noui Testamenti habere debent.

¶ 3 Præterea, Hug. † dicit, quòd postquam aliquis est factus clericus, debet deinceps de stipendijs Ecclesiæ sustentari. Sed hoc non esset, si patrimonium suum retineret. Ergo videtur quòd abrenuntiet hoc, quòd sit clericus.

SED contra est, quòd Hieremias fuit de ordine sacerdotali, ut patet Hierem. 1. Sed ipse habuit possessionem hereditatis, ut patet Hierem. 32. Ergo clerici possunt habere patrimonialia bona.

¶ Præterea, Si hoc non possent, non videretur tunc differentia inter religiosos & clericos seculares.

RESPONDEO dicendū, quòd clerici in hoc quòd coronam accipiunt, non renuntiant patrimonio, nec

nec alijs rebus temporalibus, quia terrenorum possessio non contrariatur diuino cultui, ad quem clerici deputantur, sed nimia eorum sollicitudo. Quia, ut dicitur Greg. affectus in crimine est.

Ad primum ergo dicendum, quod Dominus dedignatur pars fieri eorum qui res mundi ita possident, ut ex æquo cum alijs diligatur: ita scilicet, quod aliquis ponat finem suum in Deo, & in rebus mundi. Non tamen dedignatur pars fieri eorum qui res mundi ita possident, ut per eas à cultu diuino non retrahantur.

Ad secundum dicendum, quod Leuitæ in veteri Testamento habebant ius in hæreditate paterna; sed ideo non acceperunt partem cum alijs tribubus, quæ erant per omnes tribus dispergendi: quod fieri non potuisset, si vnâ determinatam partem terræ accepissent, sicut aliæ tribus.

Ad tertium dicendum, quod si sint indigentes clerici, & ad sacros ordines promoti, Episcopus qui eos promouit, tenetur eis prouidere, alias eis non tenentur: ipsi autem ex ordine suscepto tenentur Ecclesiæ ministrare. Verbum autem Hug. intelligitur de illis, qui non habent unde sustententur.

*Citationem
in arg.*

ARTIC. I V.

Verum supra sacerdotalem ordinem debeat esse aliqua potestas Episcopalis?

166

Ad quartum sic proceditur. Videtur, quod supra sacerdotalem ordinem non debeat esse aliqua potestas Episcopalis. Sicut enim in littera dicitur *, deo sacerdotalis ab Aaron sumpsit exordium: sed in veteri lege nullus erat supra Aaron. Ergo nec in noua lege debet aliqua potestas esse supra sacerdotalem.

*Lib. 4. Sē-
ten d. 24.
§. 1. et Rā
ban. li. 1.
de insti.
cleric. c. 6
G. Isidor.
lib. 2. de
officijs Ec-
clesiæ. 7.*

¶ 2. Præterea, Potestas ordinatur secundum actus. Sed nullus actus sacer potest esse maior, quam consecrare corpus Christi, ad quod est potestas sacerdotalis. Ergo supra sacerdotalem potestatem non debet esse Episcopalis.

Supplementum.

Y ¶ 3 Præ-